



## Universitätsbibliothek Paderborn

**Compendivm Totivs Tractatvs De S. Matrimonij  
Sacramento R. P. Thomæ Sanches E Soc. Iesv**

**Sánchez, Tomás**

**Coloniæ Agrippinæ, 1624**

6. Sponsalia.

**urn:nbn:de:hbz:466:1-41559**

## Sponsalia.

1 Sponsalia dicuntur à spondendo, quod est sponte promittere. Accipiuntur vero tripli citer. 1. pro futuri matrimonij promissione. 2. pro matrimonio non consummato, ut *Mate.* 1. cum esset desparsata, &c. 3. pro muneribus datis sponsæ à sposo. Prior autem significatio est proprietor, quia sponsas propriè intelligimus, quas de futuro appellamus, *L. I. d. I. n. u. I.*

2 Sponsalia sunt nuptiarum futurarum promissio. Triple requiritur conditio, ut valida sint. 1. ut sit promissio futuri matrimonij, 2. ut sit inter personas iure habiles ad contrahendum. 3. ut verbis, aut signis manifestetur. Item appellantur sacramentalia quædam matrimonij, id est, quatenus sunt prævia ad matrimonij sacramentum, nullam habentia sanctitatem, sicut Exorcismus respectu Baptismi, *L. I. disp. I.* num. 7. & 8.

3 Sponsalia contracta in diem, sunt statim absoluta, at non obligant ante aduentum diei, *L. I. disp. 19. num. II.*

4 Sponsalia conditionalia non transeunt hodie in absoluta per copulam, *lib. I. disp. 26. num. 12.*

5 Illæ personæ sunt habiles ad contrahenda sponsalia, quæ possunt contrahere licitum matrimonium, & habent statem requisitam in iure, *L. I. disp. 15. n. u. I.*

6 Impedimentum tantum impediens perpetuum matrimonium, dirimit sponsalia. Se-

R 7

cus di-

cùs dicendum de temporali: nisi promissio sit  
contrahendi pro eo tempore, quo adest impe-  
dimentum, lib. i. disp. 15. nū. 2.

7 Septennium physicè completum deside-  
ratur, vt sponsalia sint valida: & eo nō adepto,  
non sufficit usus rationis, nisi suppleat malitia  
ætatem, v. g. in quacunq; ætate usus rationis  
perueniat sufficiens ad peccandum mortali-  
ter, l. i. tota disp. 16.

8 Si uterque, vel alter contrahens minor se-  
ptennio sit, nec malitia suppleat, sunt nullæ  
sponsalia, nisi post legitimam ætatem ratificé-  
tur tacitè, vel expressè, habitando simul in do-  
mo viri, mulieris aut cuiuscunque. Item vo-  
cando sponsos; vel simul iacendo; vel se os-  
culando; vel petendo domum, vel mittendo  
munuscula à sponsis consueta. Et requiritur  
quod cōtrahentes sciant priora sponsalia fusi-  
le nulla, l. i. disp. 16. nū. 6. & 7.

9 Contrahere sponsalia, vel matrimonium  
ante legitimam ætatem, non est peccatum mor-  
tale, l. i. tota disp. 17.

10 Sponsalia obligant sub peccato morta-  
li, l. i. tota disp. 27.

11 Sponsalia contracta nullo præfixo termi-  
no sunt implenda tantum requirente eo, cui  
promissio facta est: tunc vero, cum alter petit  
tenetur contrahere, si commodè potest, lib. i.  
tota disp. 28.

12 Sponsalia contracta, vel matrimonium  
a parentibus, vel matribus pro filijs præsen-  
tibus, &c.

bus; & racentibus, sunt valida, licet filius sit  
sui juris, siue spurius, & ex damnato concu-  
bitu genitus. Secus dicendum, si filij absint, &  
doli capaces non sint, nisi certiores facti rati-  
ficent tacite, aut expresse, libro. i. tota dispu-  
tation. 23.

13. Alij à parentibus non possunt contrahe-  
re valida sponsalia pro filiis racentibus, & præ-  
sentibus. Quando tamen respondent alij à pa-  
rentibus sufficit ad validitatem ratificatio ta-  
cita. Secus dicendum quando fuerit consue-  
tudo loci, ut manifestetur cōsensus per extra-  
neos, ut apud Iudeos, ubi gubernator cōtrahit  
matrimonium pro seruo, libro. i. d. 23. nū. 7. 8. & 14.

14. Parentes contrahentes pro filiis, non  
constante de interno dissensu, cēsentur etiam  
in foro conscientiae sponsalia, vel matrimo-  
nium: si vero contrahant extranei, in utroque  
foro nulla erunt, libro. i. disputation. 23. num. 12.  
& 13.

15. Sponsalia cum una ex pluribus non sunt  
valida, nisi verba proferantur in personam de-  
terminatam. Electio tamen est promissoris. Si  
vnam offerat, excusat, & omnibus obeunti-  
bus exceptā vnā, tenetur illam dare, si absolu-  
tē promisit, quamuis animum habuerit dandi  
certam. Secus, si habebat animum se obligādi  
ad certam tradendam, & nō aliam, non se quu-  
to alio damno, nec standalo, libro. i. disft. 2. 6. à nu. 1.  
vñq. ad. 2.

16. Si sponsus copulam habeat cum aliqua  
ex fī-

ex filiabus à patre promissis, non tenerunt trādere, nec illam, nec aliam, nisi illa cognita cōtraxerit determinatē sponsalia cum illo cognoscente, l.i. disp. 26. n. 4.

17 Pater p̄mittens dare filiam certam, & illā recusante, sororem tenetur, v.g. tradere Mariam, & renuentē sororem, nisi Maria tacitē, vel expressē consensisset absolute sponsalibus: secūs, si cum conditione, ut pater pollicitus est, l.i. disp. 26. n. 5.

18 Promittens vnam ex plurib. consentientibus ducere, potest eligere, quam maluerit, & electa tenebitur, libro i. *disputation. 26. n. 6.*

19 Attento iure antiquo sponsalia cum vna ex pluribus certis, & omnibus repromittentibus per copulam habitam cum aliqua ex illis, transibant in matrimonium. Secūs dicendum de sponsalibus cum vna ex incertis, aut si pluribus dicat aliquis, promitto me omnes vos ducturum, libr. i. *disputat. 26. à numer. 7. usque ad II.*

20 Recusans implere sponsalia, prius monendus: & renuens cogendus per censuram, & præcipue si intercedat iuramentum, non sequuto scandalo, & perpetuā rixā, & iudex debet prudenter arbitrari ea, scanda sequenda. Et videns sponsum adeò obstinatum, ita ut non prosit censura, est absoluendus, quamvis non petatur absolutio ab illo. Item uterque iudex ecclesiasticus, aut sacerdotalis, potest ad sponsalibus.

sponsalia cogere, nisi tractetur de valore, lib. I.  
tota disp. 79:

21 Sponsalia per religionis ingressum professione nō sequuta, dirimuntur, quamvis ingressus fiat fraudulenter. Et dissoluentur omnino ex parte utriusque, quando sponsus bona fide ingressus est: secūs, si dolosè, & animo cœundi, l. i. tota disp. 42.

22 Qui sponsalia iurauit, potest ingredi religionem matrimonio minimè contracto, nisi necessitas urget ad prius contrahendū. Tunc enim tenetur, & ante consummationem potest ingredi religionem, ut consulatur feminæ dedecori, vel ut proles legitima efficiatur, l. i. disp. 43. n. 3. & 4.

23 Qui iurauit sponsalia, & post illa se astrinxit voto religionis, non potest absq; culpa lethali matrimonium inire animo firmo ingrediendi religionem ante consummationē. Idem dicendum, si nullum habeat votum, & contrahat tali animo, exceptis tribus casibus. Primus: quando est notabilis metus, quamvis non cadens in constantem virum, famæ propriæ, aut amittendæ vitæ. Secundus, si voto astrictus alio modo non potest ingredi religionem, ut si inclusus detinetur. Tertius est ad vitandum magnum scandalum. Nota tamen, quod matrimonio contracto, non teneatur religionem ingredi, sed potest tantum, l. i. disp. 43. n. 6. usq; ad 12.

24 Contrahens sponsalia, & sub ea spe virginem

ginem deflorans, non potest ingredi religionem, & tenetur eam ducere. Idem dicendum, quando non sequuta copula patitur foemina culpa promittentis notabilem famę iacturam. Idem dicendum, quamuis sponsalia vera non essent. Et in his casibus non satisfacit promissor, si contracto matrimonio ingrediatur religionem ante consummationem, & si voto se astringat, potest, & tenetur matrimonium contrahere, illudque consummare, non obstante voto, lib. i tota disp. 44. Idem dicendum si sit vidua honesta, ac bonæ famæ, & non infimæ fortis.

25 Qui prius emisit votum religionis, aut castitatis, virginemque deflorauit fide data de matrimonio contrahendo, tenetur eam ducere, si ea votum promittentis ignorabat. Idem dicendum de vidua honesta, & bonæ famæ, & non infimæ fortis, l. i. tota disp. 45.

26 Sponsalia dissoluuntur per votum simplex religionis, vel castitatis præcedens: secus de proposito firmo celibatus, & de voto castitatis facto post sponsalia etiam ex parte promittentis. Et qui voulit animo manendi in seculo, & à sponsalibus resiliendi, peccat mortaliter, & aliis manet liber ab obligatione. Non peccat tamen si voulit animo ingrediendi religionem, & seruandi castitatem ex sua parte: non tamen tenetur ingredi, aut ordinē sacramere. Et tale votū obligat in ipsius voulēti, & non sponsæ præiudicium, l. i. tota disp. 46.

27 Spon-

27. Sponsalia non dirimuntur per votū ordinis sacri suscipiēdi sequens: nec illi strictus potest ad sacros Ordines promoueri. Nec etiā per electionem factam à Pontifice sponsi in Episcopum: nec per præceptum ad acceptandum, nisi ex oerta sciētia sponsalium id faciat. Et quando vñus se astinxit voto suscipiendo Ordines sacros, alter liber manet ab obligacione. Non tamen tenetur, sed potest ingredi religionem, & si non ingrediatur, tenebitur contrahere matrimonium, libro. i. tota disputation. 47.

28. Sponsalia dirimuntur per matrimonium sequens validum. Secūs de invalido: licet sine iurata. Alter tamen sponsus manet liber ab obligatione, & ille, qui virginem violauit spe ducendi aliam tenetur soluto matrimonio eamducere, non vi sponsalium, sed ratione damni, nisi aliunde satis factum sit. Idem dicendum de vidua, l. i. tota disputation. 48.

29. Priora sponsalia non dirimuntur per posteriora habitā copulā, intellige ex parte contrahentis posteriora: secūs dicendum ex parte alterius. Nec etiam ratione damni, licet secunda sint iurata. Nisi detur causa iusta, & sufficiens recedendi à primis. Secūs si prima casu dissoluta sint: & tunc solum ratione damni illati, & non promissionis tenebitur. Tandem aliquando dirimuntur priora per posteriora sponsalia ex quadam æquitate, & tenetur secundam ducere, vt si intercedat:

graue-

graue detrimentum honoris, & prior leuiter laedatur. Et in hoc casu potest iudex damnare, ut secundam ducat. Idem dicendum, si coram testibus pollicitus est posteriori, prior vel occulte, lib. i. tota disp. 49. & 50.

30 Habens contracta sponsalia, contrahens secundò cum confanguinea primæ sponsæ in primo gradu cōsanguinitatis cum copula, nec unum nec aliud matrimonium potest inire, lib. i. disp. 49. num. 3.

31 Quando duo impuberes sponsalia contrahunt, neuter potest ante pubertatem resilire, pubes tamen factus potest quilibet, & prius factus non tenetur expectare pubertatem alterius. Et non sufficit mutuus impuberum cōfensus, ut ante pubertatem resilire possint. Itē pubes contrahens cum impubere, nunquam resilire potest: licebit tamen impuberi, cūm pubes factus fuerit, & non antea, lib. i. disp. 51. n. 5. usque ad 10.

32 Si maior septennio contrahat cum infante non potest resilire, donec infans septen-nium habuerit: & tunc eo volente tenetur promissis stare. Item quando parentes contrahunt pro impubere, non potest impubes resilire à sponsalibus veris, & etiam præsumptis, donec pubescat. Secùs dicendum de sponsalibus nullis. Et requiritur, ut statim adeptā pubertate resiliar, alioquin posteā non poterit. Statim autem, intelligitur triduo ante, vel post pubertatem, lib. i. d. 51. à n. II. usque ad 14.

33 Non

33 Non est opus, ut factus pubes sponsalia ratificeret, sed eo ipso, quod non reclamat, manent indissolubilia. Secus dicendum de matrimonio, ad quod requiritur nouus consensus. Et quando impubes dissentit ante pubertatem, nec dissensum mutat, & factus pubes non amplius recordatur, sponsalia manent dissoluta. Et quando persistit toto tempore praecedenti in sponsalibus, & factus pubes interius dissentit, manent sponsalia dissoluta in foro conscientiae: secus de foro contentioso, & iura concedentia impuberibus, ut possint resilire, procedunt in utroq; foro, l.i.d.51. à nū. 15. usque ad 19.

34 Sponsalia impuberum ita firmantur iumento, ut nulli, adeptâ puberrate, licet resilire: & ut iuramentum firmet sponsalia, requiritur, ut impubes sit doli capax, v.g. quando ita pubertati proximi sunt, ut intellectum, ac discretionem habeant ad firma reddenda sponsalia. Et quando dicantur proximi pubertati relinquitur arbitrio iudicis ex coniecturis vindidis, & quando puer non est ita doli capax ad confirmanda sponsalia, indiget relaxatione iuramenti, que concedenda est facile ab Episcopo propter ætatis imbecillitatem, l.i. d.51. à n 22. usque ad 25.

35 Sponsalia puberum etiam iurata in favorem patris, seu in honorem Dei, per mutuum consensum dissoluuntur. Et quando unus resiliat à sponsalibus, licet ab obligatione liber non

non sit, alter tamen manet liber. Item nullo præfixo termino, si alter requisitus renuit tanto tempore, ut sit in mora, peccat mortaliter, & alter manet liber, libro primo tota disputatione 25.

36 Sponsalia termino præfixo non impleta non obligant eum per quem non stat, quando terminus adiicitur ad restringendam, seu definiendam obligationem. Secus, quando adiicitur ad solicitandum obligationis effectum, l.i. disp. 35. n. 5.

37 Si terminus ab uno tantum contrahentium destinetur, ut alter intra illum impletatur, censetur destinatus tantum ad solicitandum. Tamen quando adiicitur ab utroque contrahente respectu alicuius per utrumque implendi, si initio contractus adiiciatur, id est, antequam contractus sit perfecte initus, & obligatio contracta, censetur adiectus causa restringenda obligationis, ut eo transacto non duret, l.i. disp. 53. n. 3.

38 Sponsalia non dissoluuntur quando alter, vel uterque legitimè fuit impeditus, licet transeat terminus. Item quando transit terminus a iudice positus ob periculum fortificationis instans: eo transacto is, per quem non stetit, potest aliud matrimonium inire, l.i. disp. 53. n. 6 7. 8. & 9.

39 Sponsalia etiam iurata dissoluuntur per translationem sponsi in longinquam regionem, si licentia sponsæ, nec requiritur sententia iudi-

audiens. Ethoc dicendum est in utroque foro. Tamen si sponsus est in loco propinquo, expectandus, vel requirendus est, ut contrahatur, & si est detentus iusto impedimento, non dissoluuntur, nisi detur periculum fornicationis. Item quando de proximo sponsi redditu nulla est spes, dissoluuntur: secundum, si est aliqua spes. Item quando sponsus de licentia sponsae se in longinquum transtulit, inter eosque conuenit de absentiæ tempore, si non venit tempore statuto potest alij nubere, nisi constet, sponsum inculpabiliter non venire. Et spons. de futuro non tenetur sequi sponsum vagantem. Item mutatio domicilij in aliud locum, est causa dissoluendi sponsalia, l. i. disput. 54. à nu. 6. usq; ad 14.

40 Sponsalia etiam iurata dissoluuntur per sequentem fornicationem naturalē, vel spiritualem sponsi, vel sponsæ. Item per tactus impudicos, oscula, amplexus sequentes sponsalia sponsæ, non tamen sponsi. Item per copulam præcisam saltem sponsæ, non tamen sponsa inuiti. Et in fornicatione non datur compensatio. Et ita fœmina fornicans non potest resilire, & vir potest fornicans. Et hæc sponsaliū dissolutio est in favorem innocentis, lib. i. tota disput. 55.

41 Sponsalia soluuntur per superueniens impedimentum dirimens, non vero per solum impediens, excepto voto simplici castitatis: & is cuius culpa contrahitur impedimentū,

rcne-

tenetur impetrare dispensationem, si facile potest, & deflorauit foemina, aut infamiam patitur. Secus non concurrentibus his, l.i. tota disp. 56.

42 Sponsalia etiam iurata dissoluuntur per fœditatem notabilem oculorum, vel nasi superuenientem: per paralysim, lepram, morbum contagiosum, gallicum, aut alium incurabilem. Item per factorem oris, per damnationem criminis turpis, aut per deformationem quamcunque. Et hæc intelliguntur ex parte illæsi, & sic eo volente dissoluuntur: secus, si nolit, l.i. tota disp. 57.

43 Sponsalia etiam iurata dissoluuntur per notam denuò notabilem, morum asperitatem & sauitias. Item per quamlibet sufficientem causam ad faciendum matrimonij diuortium. Item ob graues inimicitias intersponsos ortas, l.i. tota disp. 58.

44 Sponsalia etiam iurata dissoluuntur per paupertatem superuenientem sine sponsi, sive sponsæ: & sive præcedat promissio dotis, sive non. Secus dicendum, quando uno stante in eodem statu permanenti, & alteri accrescat ingentissima diuitiarum copia, libr. 1. tota disp. 59.

45 Iurans se aliquam ducturum, nulla dotis promissione præmissa, non tenetur ipsam ducere, si, cum ipsa diues sit, nullam ei dotem assignare velit, lib. 1. tota disp. 60.

46 Quando sunt duo vincula paria, & eiusdem

dem rationis incompossibilia, prius præualet, & dirimit sponsalia. Item dirimuntur sponsalia per aliquid inconueniens notabile, aut nouam causam superuenientem, quæ si à principio extitisset, impediret ea contrahi, quamuis sint iurata, & ea noua causa contigisset postquam sponsus in mora fuit ea implendi, lib. I. tota disp. 62.

47 Sponsalia etiam iurata dissoluuntur ex causis præcedentibus ignoratis. Item per fornicationem præcedentem sponsæ, non tamen sponsi. Item dissoluuntur, quando putabatur virgo, & erat vidua. Item dissoluuntur, quādo erat vidua, vel alias corrupta propter fornicationem ignoratam. Secūs dicēdum, si ille sciebat, illam esse impudicam. Item potest sponsa recedere à sponsalibus, si sponsus existimatur non valde virtiosus, & denuò cognovit sponsa esse vitijs notabiliter deditum, lib. I. tota disp. 63.

46 Quando dolus admissus per alterum sponsum, ipsoque culpæ reo existente, causam dedit contractui sponsalium, sunt ipso raro nulla. Non tamen sunt nulla, quando alter sponsus non decepit, sed quidam tertius, vel ipse met contrahens sua propria falsa existimatione deceptus est. Datur tamen in hoc casu posse irritari. Etiam non sunt irrita, quando dolus non dedit causam contractui, lib. I. tota disp. 64.

49 Causæ præcedentes ignoratæ, si dolus  
S cau-

410 *De Sponsalibus.*

causam contra etui non dedit, non sufficium ad sponsalia dissoluenda. Et quando contrahens est dubius de voluntate ex causæ grauitate, iudicanda est ea iuxta arbitrium prudenteris, lib. 1. tota disp. 64.

50 Sponsalia iurata, ut dissoluantur ex causa iusta, non desideratur iuramenti relaxatio, lib. 1. tota disp. 67.

51 Sponsarium dissolutione non potest peti ab eo, qui simili causa laborat, alteri tamen occulta, lib. 1. disp. 68. n. 9.

52 Quando est certitudo causæ & facti, & quando causa publica, accerta tam de iure, quam de facto, licet occulta, quando ipsa sponsalia sunt etiam occulta, nulla desideratur auctoritas iudicis ad soluendum illa; secus, quando causa est occulta & sponsalia publici, & iudex, cuius auctoritate dissoluenda sunt, est solus Ecclesiasticus, Ordinarius, vel delegatus, & non parochus, lib. 1. tota disp. 69.

53 Ad dissoluenda sponsalia in foro conscientiæ sufficit ea cognitio, quæ sufficit in foro externo, v. g. unus testis, licet consanguineus, de certa scientia iurans, vel fama. Et si sit persona fide digna, & de certa scientia testificans, sine suspicione aliqua mendacij, sufficit sine iuramento, licet relatione aliorum propria experientia cognoscatur causam dissoluendi, lib. 1. tota disp. 73.

54 Si causa dissolutionis sponsarium occulta, infamiae grauis nota afficiat, ut si sit occulta sponsa

Sposæ reputatæ virginis fornicatio , potest  
in iudicio detegi, ut ea dissoluantur, quando  
prius fuit monita ad dissoluendum, vel ad ad-  
desistendum, & secundò per parentes, & pro-  
ximos noluit desistere, *libr. I. tota disputation.*

70.

55 Vnicus testis non citatus, & oblatus per  
partem, & nolens testari publicè, & nominis  
publicatione, & allegans turpitudinem suam,  
& criminosus sit, plenè probat impedimentū  
ne matrimonium contrahatur, licet sponsalia  
sint iurata. Non sufficit tamen vnicus testis,  
quando allegatur impedimentum impediens  
matrim. vel alia causa, qua existente, nullum  
est peccatum contrahere, *lib. I. disp. 71. à nu. 1.*  
vsque ad 8.

56 Ut vnicus testis sponsalia perfici impe-  
diat, requiritur primo, ut deponat, & non suf-  
ficit denuntiare, nisi probet de fama. Secundò,  
ut iuret, se certò scire impedimentum; & non  
sufficit de solo auditu testificari, nisi ad probá-  
dam cōsanguinitatem; dummodo distingua-  
tur gradus clara computatione ab utroque la-  
tere. Tertiò requiritur, ut testis non sit vilis  
persona, nisi aliter probari nequeat, conside-  
rante iudice qualitatem illius, *lib. I. disp. 71. à*  
*nu. 9. vsque ad 12.*

57 Fama impedimenti plenè probat illud,  
ne contrahatur matrimonium, & dissoluit spon-  
salia etiam iurata, nisi adhibetur de contraria  
fama clarior probatio. Et ad hanc probatio-

nem contra famam admittitur iuramentum consanguineorum, & volentium contraherere, iuxta qualitatem personarum, & arbitrium iudicis, *libr. 1. disputat. 71. à numer. 13. usque ad 17.*

58 Rumor non sufficit ad impediendum, ne matrimonium contrahatur. Differunt tamen fama, & rumor; fama enim est, quando maior pars viciniæ acclamat. Rumor vero, quando aliqua pars, v.g. tertia, vel quarta pars viciniæ, *li. 1. disp. 71. nu. 18.*

59 Pignora minimè valent in cōtractu sponsalium, si præcedat stipulatio pœnæ, & tradantur pignora, secùs si præcedat arrharum stipulatio, *lib. 1. tota disp. 38.*

*Sponsus.*

1 Sponsus potest cogere alterum ad fidem sponsalium validorum seruandam, quando aliquo vitio occulto laborat, cuius si alter conscientius esset, posset iustè resilire, *libr. 1. disp. 68. num. 8.*

2 Sponsus accedens ad sponsam conscientius eius fornicationis, vel cuiusvis causæ dissoluendi, non potest dissoluere sponsalia valida, licet ante habuisset animum non remittendi, *lib. 1. tota disp. 66.* Contrarium tamen sequitur Doctor, ut probabilius, *libr. 10. disputat. 14. num. 24.*

3 Sponsi habent ante consummationem bimestre ad deliberandum de religionis ingressu; ad profitendum vero integrum annum, qui à iudi-